



გამოდის 1923 წლის 1 მაისიდან

„ჩინგუძი საცაბეთოლთა, სიბუძი ჩუენ ჯაბთ ყულათ“

იონიხი

სენაკის მუნიციპალიტეტის თავისუფალი გაზეთი

2020 წელი

№18 (9490)

16-30 სექტემბერი

ფასი 50 თეთრი

მუნიციპალიტეტის მერიამ

შეხვედრა წარმატებულ კურსდამთავრებულთან

სენაკის მუნიციპალიტეტის მერი, ლევან კუპრეიშვილი, მერის მოადგილე, კახაბერ კუპრეიშვილი, განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი და ამავე სამსახურის წარმომადგენელი, ირმა კუპრეიშვილი, სენაკის მეშვიდე საჯარო სკოლის წარმატებულ კურსდამთავრებულს, შავი ზღვის საერთაშორისო უნივერსიტეტის საჯარო ადმინისტრირებისა და სახელმწიფო მმართველობის ფაკულტეტის სტუდენტს, ანა ფაციას შეხვდნენ.



100%-იანი სახელმწიფო გრანტი მოიპოვა. მუნიციპალიტეტის მერმა სენაკელ ახალგაზრდას ეროვნულ გამოცდებზე მოპოვებული გამარჯვება მიულოცა, წარმატებული, ლალი სტუდენტობა უსურვა და ფულად ჯილდოდ 1000 ლარი გადასცა.

ანა მუნიციპალიტეტის მასშტაბით წარმატებული სტუდენტია, რომელმაც, მიმდინარე წლის ერთიან ეროვნულ გამოცდებზე

სამოყვარულო ჩემპიონატის მატჩი

სენაკში 7x7 ფეხბურთში სამოყვარულო ჩემპიონატ „მასტერ ლიგის“ მატჩი გაიმართა. ფეხბურთის მატჩს მუნიციპალიტეტის მერის პირველი მოადგილე გრიგოლ ბალათურია, მერიის განათლების, კულტურის, სპორტისა და ახალგაზრდობის სამსახურის უფროსი გივი მისაბიშვილი, 7x7 ფეხბურთის ასოციაციის პრეზიდენტი აკაკი ხლაბუსტოვი, ასოციაციის ხელმძღვანელი სა-

მეგრელოში როსტევეან ფარცვანია და გულშემატკივრები დაესწრნენ. დევნილთა საფეხბურთო გუნდ „ცხუმის“ და ფოცხოს ადმინისტრაციული ერთეულის გუნდ „ფოცხოს“ შეხვედრა ფოცხოელთა გუნდის გამარჯვებით, 3-2 დასრულდა. პროექტი მიზნად ისახავს ფეხბურთის განვითარების ხელშეწყობას და ჯანსაღი ცხოვრების წესის დამკვიდრებას.



დასუფთავების აქცია

დასუფთავების ყოველწლიურ საერთაშორისო კამპანიას - „დავასუფთავოთ მსოფლიო“ - სენაკის მუნიციპალიტეტიც შეუერთდა. პანდემიის გამო, დასუფთავების აქცია „ყოველი მცირე ქმედება სამყაროს განსხვავებულს ხდის“ - სხვადასხვა ლოკაციაზე მცირე ჯგუფების მონაწილეობით ჩატარდა. აქციაში მონაწილეობა მიიღეს სენაკის მუნიციპალიტეტის მერის მოადგილემ კახაბერ კუპრეიშვილმა, მერიისა და ა(ა)იპი-ების თანამშრომლებმა. საყოფაცხოვრებო და სხვა სახის მყარი ნარჩენებისაგან დასუფთავდა რკინიგზის ბაქანი, ადმინისტრაციული შენობების მიმდინარე ტერიტორიები, მდინარე ტეხურის სანაპირო ზოლი, სკვერები, ტურისტული დანიშნულების ადგილები. კამპანია განხორციელდა შედეგით მთავ-

რობის მხარდაჭერით „საქართველოს მწვანეთა მოძრაობა/დედამინის მეგობრები - საქართველოს“ მიერ (პარტნიორ ორგანიზაციებთან ერთად), პროექტის „დავიცვათ საქართველოს სისუფთავე“ ფარგლებში.



კორონავირუსის პრევენციული ღონისძიებების ფარგლებში



კორონავირუსის საპრევენციო ღონისძიებების ფარგლებში, სენაკის მუნიციპალიტეტის მერიამ სამუშაო შეხვედრა გაიმართა.

სხდომას სენაკის მუნიციპალიტეტის მერი ლევან კუპრეიშვილი ხელმძღვანელობდა და მას მერის პირველი მოადგილე გრიგოლ ბალათურია, მოადგილე კახაბერ კუპრეიშვილი, მერიის სამსახურებისა და ა(ა)იპი-ების უფროსები ესწრებოდნენ.

სხდომაზე განიხილეს კორონავირუსის გავრცელების პრევენციისთვის ერთობლივად გასატარებელი ღონისძიებები.

სენაკის მუნიციპალიტეტში, მოსახლეობის უსაფრთხოების უზრუნველყოფის მიზნით, ვირუსული ინფექციის გავრცელების რისკის შესამცირებლად, ასევე სოციალურ-ეკონომიკური გამოწვევების თანმიმდევრულად და ეფექტიანად დაძლევისთვის შეიქმნება მონიტორინგის ჯგუფი.

სენაკის მუნიციპალიტეტში კორონავირუსის საპრევენციო ღონისძიებები ინტენსიურად მიმდინარეობს.

დეზინფექცია ჩაუტარდა მუნიციპალიტეტის ხელოვნების ცენტრის სამხატვრო და სამუსიკო სკოლებს.

სამუშაოების მიმდინარეობას სენაკის მუნიციპალიტეტის მერი ლევან კუპრეიშვილი, პირველი მოადგილე გრიგოლ ბალათურია და მოადგილე კახაბერ კუპრეიშვილი გაეცნენ.



სენაკის მუნიციპალიტეტში კორონავირუსის საპრევენციო ღონისძიებების ფარგლებში, სადეზინფექციო სამუშაოები გრძელდება. დეზინფექცია ჩაუტარდა მუნიციპალიტეტის სასპორტო გაერთიანების ცენტრს და სასპორტო სკოლას.

სამუშაოების მიმდინარეობას სენაკის მუნიციპალიტეტის მერის პირველი მოადგილე გრიგოლ ბალათურია და მოადგილე კახაბერ კუპრეიშვილი გაეცნენ.

მოსახლეობის უსაფრთხოების უზრუნველყოფის მიზნით, ვირუსული ინფექციის გავრცელების რისკის შესამცირებლად, მუნიციპალიტეტში სადეზინფექციო სამუშაოები გაგრძელდება.

ქალაქს ორი საკალათბურთო მოედანი შეემატება

სენაკში პირველი საჯარო სკოლის მიმდებარე ტერიტორიაზე მსოფლიო დონის კალათბურთელის, სენაკის საპატიო მოქალაქის ზაზა ფაჩულის სახელობის საკალათბურთო მოედნის მოწყობა აქტიურად მიმდინარეობს. საკალათბურთო მოედნის მოწყობის პროცესი სენაკის მუნიციპალიტეტის მერმა ლევან კუპრეიშვილმა, მერის პირველმა მოადგილემ, გრიგოლ ბალათურიამ, მერის მოადგილემ კახაბერ კუპრეიშვილმა მონაწილეობა მიიღეს.

„საკალათბურთო მოედანი, რომელიც მესამე იქნება ჩემი და ვაღვინის თანამშრომლობის განმავლობაში, გაიხსნება სენაკში, ქალაქში, რომელთანაც ძალიან ბევრი ბავშვობის მოგონება მაკავშირებს“ - აღნიშნა ზაზა ფაჩულიამ სენაკში მოედნის ტერიტორიაზე კაფესულის ჩაშვების ცერემონიაზე ყოფნისას.

თანამედროვე სტანდარტების შესაბამისი საკალათბურთო მოედნის მშენებლობა უმნიშვნელოვანესი მოვლენა იქნება სენაკში, სპორტის ამ სახეობის განვითარების კუთხით.

საკალათბურთო მოედნის მშენებლობა ზა-

ზა ფაჩულის ინიციატივით, სენაკის მუნიციპალიტეტის მერიისა და კომპანია „გალფის“ ერთობლივი პროექტის ფარგლებში 2019 წლის აგვისტოში დაიწყო.

ადგილობრივი ხელისუფლების წარმომადგენლებმა ასევე დაათვალეს ოუსტიციის სახლის მიმდებარე მოწყობილი საკალათბურთო მოედანი და გამწვანებული სკვერი, რაც ადგილობრივ მოსახლეობასა და, განსაკუთრებით, მომავალ თაობაში ჯანსაღი ცხოვრების წესის დამკვიდრებას, ამასთან, კომფორტულ დასვენებას შეუწყობს ხელს.



(გაგრძელება მესამე გვერდზე)

ქართული ოცნება - „ერთად საქართველოს წარმატებისათვის!“ №41

ირაკლი ხახუბია – ფოთის, სენაკისა და ხობის მაჟორიტარად



დაიბადა 1971 წლის 15 მაისს ქალაქ ფოთში. დაამთავრა საქართველოს ტექნიკური უნივერსიტეტი, სპეციალობით –ავტომობილები და საავტომობილო მეურნეობა, აგრეთვე თბილისის ბიზნესისა და მარკეტინგის უმაღლესი სკოლა – ინსტიტუტი, სპეციალობით-საერთაშორისო ეკონომიკური ურთიერთობები.

1988-1989 წლებში მუშაობდა ადგილობრივი მრეწველობის სამინისტროს სარემონტო-სამშენებლო სამმართველოს სანარმოო უბნის ზეინკლის მონაფედ, ზეინკლად. 1994-1995 წლებში იყო შპს „ბესის“ მარკეტინგული განყოფილების გამგე. შემდგომ წლებში იყო სს „ფოთინავთობპროდუქტის“ დირექტორი კომერციულ დარგში.

2000 წლიდან სამსახურებრივი კარიერა გააგრძელა საგადასახადო შემოსავლების სამინისტროს სამართალდარღვევების წინააღმდეგ მებრძოლ სამმართველოში. შემდგომში მუშაობდა სხვადასხვა თანამდებობაზე საქართველოს ფინანსთა სამინისტროს საგადასახადო დეპარტამენტსა და ფინანსური პოლიციის ოპერატიულ დეპარტამენტში.

2010 წელს დააფუძნა შპს „აის-ბერგი“, 2012 წელს კი-„ჯეონათის“.

2016 წელს, „ქართული ოცნების“ წარდგენით, ფოთის მაჟორიტარულ საარჩევნო ოლქში არჩეულ იქნა IX მოწვევის პარლამენტის წევრად. არის საპარლამენტო ფრაქცია „ქართული ოცნება-ძლიერი ეკონომიკის“ თავმჯდომარის მოადგილე, გარემოს დაცვისა და ბუნებრივი რესურსების კომიტეტისა და დარგობრივი ეკონომიკისა და ეკონომიკური პოლიტიკის კომიტეტის წევრი.

ჰყავს მეუღლე და შვილი.

მიმართვა

იყო ხალხის წარმომადგენელი საქართველოს პარლამენტში, უდიდესი პატივი და ამასთანავე, პასუხისმგებლობაა. ვფიქრობ, დეპუტატის მანდატი არის კარგი შესაძლებლობა, ვაკეთო უფრო მეტი საქმე მოქალაქეებისათვის. მაჟორიტარი დე-

პუტატის უმნიშვნელოვანესი ფუნქციაა მოქალაქეებისათვის საჭირო პროექტების ლობირება როგორც ცენტრალურ, ისე ადგილობრივ დონეზე. აქედან გამომდინარე, მაქსიმალურად ვიქნები ინიციატორი და განხორციელების პროცესში აქტიურად ჩართული ყველა იმ პროექტსა და პროგრამაში, რაც ჩემი სამაჟორიტარო ოლქის-ფოთის, ხობისა და სენაკის მაცხოვრებლების კეთილდღეობისკენ იქნება მიმართული.

შეძენილი გამოცდილება და 4 წლის განმავლობაში ჩემს სამაჟორიტარო ოლქში, ფოთში, განხორციელებული ინფრასტრუქტურული, სოციალურ-ეკონომიკური, კულტურულ-საგანმანათლებლო და სპორტულ-გამაჯანსაღებელი პროექტების სიმრავლე მაძლევს მყარ საფუძველს, გავხდე ფოთელების, ხობელებისა და სენაკელების ხმა

საქართველოს პარლამენტში.

შემიძლია შედეგზე ორიენტირებული კომუნიკაცია იმ სახელმწიფო უწყებებთან და კერძო სექტორთან, საიდანაც მოქალაქეებს შეუძლიათ კონკრეტული სარგებლის მიღება.

დარწმუნებული ვარ, გუნდთან ერთად განვახორციელებ პროექტებს, რომლებიც ჩვენი სახელმწიფოს და მოქალაქეების წინსვლასა და წარმატებას უზრუნველყოფს. ჩვენი გუნდი, პარტია „ქართული ოცნება-დემოკრატიული საქართველო“, ეროვნულ ინტერესებსა და ევროპული დემოკრატიის იდეალზე დაფუძნებით, ქართული სახელმწიფოს განვითარების ახალ ეტაპს იწყებს. დეპუტატის მანდატი მომცემს შესაძლებლობას, ხელი შევუწყო ჩვენი რეგიონებისა და მუნიციპალიტეტების გაძლიერებას საქართველოს წარმატებისათვის

„ლელო“- „ახალი ძალა-შენი საქართველოსათვის!“ №56

გიორგი ბარამია – ფოთის, სენაკისა და ხობის მაჟორიტარად



დიპლომატი, დაიბადა სოხუმში. იყო აფხაზეთის ავტონომიური რესპუბლიკის მთავრობის თავმჯდომარე. მუშაობდა აფხაზეთის მთავრობასა და საქართველოს საგარეო საქმეთა სამინისტროში, იყო საქართველოს კონსული

საბერძნეთში. გიორგი ბარამიას დიდი წვლილი მიუძღვის აფხაზურ-ქართული ურთიერთობების გაღრმავებაში. იგი იყო აფხაზეთთან დიალოგის ინიციატორი და ძალიან ბევრი რამ გააკეთა ამ დიალოგის განვითარებისათვის.

პოლიტიკური საქმიანობა

„ლელო საქართველოსათვის“ არის პარტია, რომელიც თავისი ღირებულებებით ორიენტირებულია დასავლურ ფასეულობებზე, კანონის უზენაესობაზე და ადამიანის უფლებების დაცვაზე. ეს არის ახალი ძალა, ახალი იმედი, რომელიც დღეს ნიჰილიზმში მყოფ საქართველოს მოსახლეობას ჰაერივით სჭირდება. სწორედ ამიტომ,

ჩემი პოლიტიკური გამოცდილებიდან გამომდინარე, მე ვდგავარ ამ პარტიის გვერდით და მინდა, ჩემი მოკრძალებული წვლილი შევიტანო ქვეყნის განვითარების საქმეში, რომელიც მხოლოდ პარტია „ლელო საქართველოსათვის“ შეუძლია.

„ლელო“ არის ძალა, რომელიც შექმნის ეკონომიკის მძლავრ ხერხემალს, ასე ათასობით ახალ სამუშაო ადგილს, ერთხელ და სამუდამოდ წელში გამართავს ყველა ოჯახს საქართველოში, შექმნის ძლიერ საშუალო ფენას, შემოიტანს ქვეყანაში მილიარდობით ინვესტიციას, ფეხზე დააყენებს მცირე და საშუალო ბიზნესს. გზას გაუხსნის ინოვაციებსა და ახალ ტექნოლოგიებს. „ლელო“ არის

ძალა, რომელიც ჩაატარებს განათლებისა და ჯანდაცვის ფუნდამენტურ რეფორმას.

„ლელო“ არის ძალა, რომელიც თითოეულ რეგიონს მისცემს ინდივიდუალური და სწორი განვითარების საშუალებას. გააძლიერებს თვითმმართველობას, გლესს აქცევს მდიდარ ფერმერად, გაცოცხლებს ქართულ სოფელს მთასა და ბარში! „ლელო“ არის ახალი ეროვნული ძალა, რომელიც თქვენთან ერთად საქართველოს აქცევს რეგიონის ლიდერ ქვეყნად, აღადგენს ტერიტორიულ მთლიანობას და გააერთიანებს ჩვენს ქვეყანას. ჩვენ – პოლიტიკური გაერთიანება „ლელო საქართველოსთვის“ ვართ ერთადერთი ალტერ-

ნატივა, რომელიც დაამარცხებს ორპოლუსიანობას, დაანგრევს ძველ სისტემას და შექმნის სრულიად ახალ პოლიტიკურ რეალობას.

ოქტომბრის არჩევნები არის გადამწყვეტი ბრძოლა საქართველოს მომავლისთვის.

მხარი დაგვიჭირეთ. მხარი დაუჭირეთ ჩვენს კანდიდატებს. ისინი იქნებიან თქვენი ნამდვილი წარმომადგენლები საქართველოს პარლამენტში, თქვენი ყველა პრობლემის, ტკივილისა თუ სიხარულის გამზიარებლები. მხარი დაუჭირეთ „ლელოს“, რადგან ასე თქვენ მხარს უჭერთ თქვენს შვილებს, თქვენს მომავალს, თქვენს ქვეყანას.

„ერთიანი ნაციონალური მოძრაობა“ - კეთილდღეობა ყველას და არა ერთეულს №5

მურთაზ ზოდელავა – ფოთის, სენაკისა და ხობის მაჟორიტარად



„კეთილდღეობა ყველას და არა ერთეულს“- ჩვენი ქვეყნის წარმატებული იდეა, რომელმაც უნდა გაგვაერთიანოს, სახელმწიფო უნდა ემსახურებოდეს ყველას და არა ერთეულების ინტერესებს.

დღეს ჩვენი ქვეყნის სიღარიბის მთავარი მიზეზი ის არის, რომ სა-

ხელმწიფოს არა აქვს ფული და რესურსი. მოპარული წარმატება, ბედნიერება, განვითარება და კეთილდღეობა უკავშირდება კორუფციულ მმართველობას, რეფორმების არარსებობას, ერთეულებზე მორგებული კანონებისა და გადაწყვეტილებების მიღებას. დღეს სახელმწიფო დოვლათსა და რესურსს მხოლოდ ერთეულები მოიხმარენ, რაც ყველა ოჯახის კეთილდღეობის, განვითარებისა და ახალი შესაძლებლობების გაჩენისათვის იქნებოდა საკმარისი.სწორედ ამიტომ, ჩვენი გეგმის მთავარი მიზანია-კეთილდღეობა, უსაფრთხოება და წარმატება ყველას და არა ერთეულს. არჩვენებში გამარჯვების შემდეგ, ჩვენ განვახორციელებთ ოჯახების გაძლიერების ხუთუქტიანი გეგმას:

ოჯახების ეკონომიკური გაძლიერების 5-პუნქტიანი გეგმა

ჩვენი გეგმის მთავარი მისია არის ოჯახების ეკონომიკური გაძლიერება- კეთილდღეობა ყველას და არა ერთეულს!

1. შვილებს

* ბალის აღსაზრდელებს: სკოლამდელი განათლების 1500-ლარიანი ვაუჩერი.

* ბავშვების სასკოლო განათლების დაფინანსება გასამმაგდება: სკოლის მოსწავლეებს ყოველწლიურად, 2000 ლარიანი სასკოლო ვაუჩერი, რომელსაც მშობელი გამოიყენებს, როგორც კერძო, ისე საჯარო სკოლაში.

* სტუდენტებისათვის, განათლების დაფინანსება გაორმაგდება-4500-ლარიანი ყოველწლიური სახელმწიფო გრანტი.

2. ჯანმრთელი ოჯახი

* ოჯახის თითოეული წევრისათვის-მედიკამენტების ფასების განახევრება, სრული პროფილაქტიკური კვლევები და საყოველთაო ჯანდაცვის გაუმჯობესებული სერვისები, სახელმწიფოს მიერ დაფინანსებული, 400 ლარიანი კერძო პრემიუმ დაზღვევით.

3. ოჯახის დასაქმებულებს

* გაუქმდება სამემოსავლო გადასახადი-დასაქმებულს ხელფასიდან აღარ ჩამოეჭრება 20%. მას მეტი თანხა დარჩება და შეძლებს, უკეთ იზრუნოს საკუთარი ოჯახის კეთილდღეობაზე.ჩვენი რეფორმების შედეგად, ხელფასები იქნება ყოველწლიურად მზარდი და საქართველოში არსებული საშუალო ხელფასი 2000 ლარამდე გაიზარდება.

4. სამსახურის მაძიებლებს

* 300 ათასი ახალი სამუშაო ადგილი-ეკონომიკური რეფორმებით, ქვეყანაში, დამატებით შემოსული 10 მილიარდი დოლარის შედეგი.

5. პენსიონერებს

* პენსია -400 ლარი

* უზრუნველყოფილი ჯანდაცვა-მედიკამენტების ფასების განახევრება და უფასო გამოკვლევები.

ამ გეგმის განხორციელების შედეგად საქართველო სიღარიბეს წარსულს ჩააბარებს და ყველაზე სწრაფად მზარდი ეკონომიკის ქვეყანა გავხდებით.

ჩვენ ავაშენებთ თითოეული ოჯახების კეთილდღეობაზე ორიენტირებულ, ეკონომიკურად წარმატებულ, ტერიტორიულად მთლიან და ძლიერ სახელმწიფოს.



„შენი კომპასი ბარდამტეხი ცვლილებებისათვის“ №2

გიგა ბოკერია - ფოთის, სენაკის, სოხის მაჟორიტარად



გიგა ბოკერიას ხელშეკრულება სენაკელებთან:

1. სოფლის მეურნეობის მხარდაჭერისთვის დავწვეთ აქციზის გადასახადს საწვავზე, რაც არსე-

ბითად შეუმცირებს ხარჯს სოფლის მეურნეობაში ჩართულ სენაკელებს

2. ქუთაისის აეროპორტში ავაშენებთ სატვირთო ტერმინალს, რაც დასავლეთ საქართველოში სოფლის მეურნეობაში ჩართულ ადამიანებს გაუხსნის ახალ შესაძლებლობებს ექსპორტისთვის

3. დავასრულებთ გაზიფიკაციის პროცესს, მოვაგვარებთ წყლით მომარაგებისა და გზების პრობლემას

4. მთავრობის ხელში არსებულ

ქონებას, სოფლების გარშემო სახანავ-სათესს, საძოვარ მიწებს საკუთრებაში დავუბრუნებთ ხალხს

5. ეკონომიკის ამუშავების, ქვეყანაში სამედიცინო სადაზღვევო სისტემის რეფორმისა და სენაკის მუნიციპალიტეტისთვის მეტი ფულის დატოვების შედეგად, სენაკის მაცხოვრებლებს ექნებათ ხარისხიანი სამედიცინო მომსახურების მიღების შესაძლებლობა

6. ვიმუშავებთ უცხოელ და ქართველ ინვესტორებთან, რათა აღდგეს კურორტი მენჯი და ის

სამედიცინო ტურიზმისთვის მიმზიდველ ადგილად გადაიქცეს

7. სენაკის რეალური თვითმმართველობის მისაღწევად, ადგილზე დავტოვებთ სენაკში აკრედიტირებული გადასახადების საგრძნობ ნაწილს და არამართო ქონების გადასახადს, რითაც არსებითად გაიზრდება სენაკის ბიუჯეტი

8. სენაკელები აირჩიენ მათი მუნიციპალიტეტის პოლიციის შერიფსა და მოსამართლეს, რომელიც მხოლოდ მათ წინაშე იქნება ანგარიშვალდებული

მუნიციპალიტეტის მერიამში

(დასასრული)

თანამედროვე სტანდარტების საბავშვო ბაღები

სენაკში თანამედროვე სტანდარტების შესაბამისი საბავშვო ბაღი შენდება.

ახალი საბავშვო ბაღის მშენებლობის მიმდინარეობას სენაკის მუნიციპალიტეტის მერი ლევან კუპრეიშვილი, დევნილთა, შრომის, ჯანმრთელობისა და სოციალური დაცვის მინისტრის მოადგილე გიორგი ნონკოლაური, დევნილთა, ეკომიგრანტთა და საარსებო წყაროებით უზრუნველყოფის სააგენტოს დირექტორი ბესარიონ სიმონიშვილი, ლტოლვილთა დანიის საბჭოს საქართველოს წარმომადგენლობის დირექტორი ვინსენტ დონტო, სენაკის მუნიციპალიტეტის მერის პირველი მოადგილე გრიგოლ ბალათურია და მერის მოადგილე კახაბერ

კუპრეიშვილი გაეცნენ.

სამშენებლო სამუშაოების დასრულების შემდეგ საჭირო ტექნიკით, ინვენტარით, ბუნებრივი აირითა და ცენტრალური გათბობით უზრუნველყოფილი ნომერ მეოთხე საბავშვო ბაღი 100 ალსაზრდელს მოემსახურება. შენობა ადაპტირებული იქნება შეზღუდული შესაძლებლობების მქონე პირთათვის.

პროექტს ლტოლვილთა დანიის საბჭო (DRC), საქართველო-გერმანიის ფინანსური თანამშრომლობის ფარგლებში, ასორციელებს.

ამავე პროექტის ფარგლებში, ყოფილი სამხედრო დასახლების ტერიტორიაზე დასრულდა საბავშვო ბაღის რეაბილიტაცია.

ჩატარდა ორსართულიანი საბავშვო ბაღის შენობის გაფართოების, გადახურვის, სველი წერტილების, სააღმზრდელო ოთახების, საკონცერტო დარბაზის სარეაბილიტაციო სამუშაოები.

ახალი სააღმზრდელო წლიდან აღსაზრდელებს თანამედროვე სტანდარტების შესაბამისი საბავშვო ბაღი მოემსახურება.

ასევე, მუნიციპალური განვითარების ფონდი ქალაქ სენაკში, ჯიხას ქუჩაზე მდებარე, გასული საუკუნის 50-იან წლებში აგებული მეხუთე ბაგა-ბაღის ამორტიზებული შენობის ადგილზე ახალ



სააღმზრდელო დაწესებულებას აშენებს.

ამ ეტაპზე მუნიციპალიტეტის 23 საბავშვო ბაღში წყალმომარაგების სისტემის და სველი წერტილების სარეაბილიტაციო სამუშაოები მიმდინარეობს.

სენაკში ასევე იგეგმება ნომერ მეშვიდე საბავშვო ბაღის მშენებლობა.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება

დალოცვილი იყავით!

ეს პატარები სსიპ სენაკის მუნიციპალიტეტის ახალსოფლის საჯარო სკოლის პირველკლასელები არიან: დინა ბახტაძე, ლიზი გრიგოლია, ლიზი ჩოჩია, ირინა თათარაშვილი, მათე ხურცია, ერის ხვალისდელი დღე, იმედი, რწმენა, გადარჩენა. ისინი სიხარულით არიან გულანთებულები, რადგან მათ დახვდათ ძალიან კეთილმოწყობილი და ლამაზი გარემო, სადაც უნდა ისწავლონ და განათლებულ თაობად ჩამოყალიბდნენ.

ყველა პირველკლასელს გადაეცა ახალი ნეტუქები და სასწავლო სახელმძღვანელოები.

სიახლეებით, ოცნებებით, იმედით დაინყო ახალი სასწავლო წელი მეორეკლასელების ილია ჟვანიას, ნიკოლოზ ლაკიას და მარიამ ციფურიასთვის. ისინი მოუთმენლად ელოდნენ ამ ლამაზ დღეს, რადგან ძალიან მოეწონათ მშობლიური სკოლა, საკლასო ოთახი, მეგობრები, მასწავლებლები: სპეც. მასწავლებელი ნაზიბროლა წულეისკირი, ასისტენტი თამარ გაბელია.

ჩემო პატარა მეგობრებო! სკოლაში გატარებული წლები ყოფილიყოს გამორჩეულად საინტერესო პერიოდი თქვენს ცხოვრებაში. გისურვებთ საფუძვლიანი განათლების მიღებას, რადგან თქვენ და მხოლოდ თქვენ შემოგყურებთ ერი იმედით. გფარავდეთ უღრუბლო ზეცა მარადჟამს. დალოცვილი იყოს გზა-სავალი თქვენი.

დალი გობირაიშვილი,
დამრიგებელი



უკლდცაუთ!



ახალ სასწავლო წელთან ერთად ცხოვრების ახალი საფეხური დაიწყო თინათინ გეგეჭკორისთვის. ის შპს კერძო სკოლა ლიცეუმის მოსწავლე გახდა. უდიდესი სითბოთი და სიყვარულით მინდა მივულოცო პირველ ნაბიჯები დიდი ცოდნის მოსაპოვებელ გზაზე. ვუსურვებ კარგი სწავლით ასახელოს მშობლები, მშობლიური კუთხე.

დალი გობირაიშვილი

გორის დავითიანი

პრემიერის მნიშვნელოვანი წინაპირობა

საქართველოს პრემიერ-მინისტრ გიორგი გახარიას ხელმძღვანელობით მოქმედი უწყებათაშორის საკოორდინაციო საბჭო მოქალაქეებს კიდევ ერთხელ მოუწოდებს, იმოქმედონ დადგენილი რეგულაციებით, ატარონ პირბადეები და დაიცვან სოციალური დისტანცია, რაც ინფიცირების შემთხვევების პრევენციის მნიშვნელოვანი წინაპირობაა.

საბჭოს დღევანდელ სხდომაზე, რომელიც მთავრობის ადმინისტრაციაში გაიმართა, ქვეყანაში არსებული ეპიდემიოლოგიური მდგომარეობა და ვირუსის გავრცელების დინამიკა განიხილეს. აღინიშნა, რომ ინფიცირების შემთხვევების გაზრდილი რაოდენობა პანიკის საფუძველს არ ქმნის, ვინაიდან სიტუაცია კონტროლს ექვემდებარება და მართვადია.

კიდევ ერთხელ ხაზი გაესვა იმ ფაქტს,

რომ საგანგებო მდგომარეობის გამოცხადება და ქვეყნის მასშტაბით მკაცრი შეზღუდვების დაწესება არ იგეგმება.

როგორც მთავრობის ადმინისტრაციის უფროსმა ნათია მეზვრიშვილმა უწყებათაშორის საკოორდინაციო საბჭოს სხდომის დასრულების შემდეგ, ბრიფინგზე განაცხადა, ეკონომიკა ვერ ჩაიკეტება, რადგან ეს დააზარალებს მოქალაქეებს; შესაბამისად, იმისთვის, რომ ეს არ მოხდეს, თითოეულმა მოქალაქემ მაღალი პასუხისმგებლობა უნდა გამოიჩინოს. ცალკეულ შემთხვევაში გამოყენებული იქნება მინიბრიფინგები, ლოკალური შეზღუდვები კონკრეტულად იმ რეგიონებში, სადაც მსგავსი საჭიროება დადგება და ამის შესახებ საზოგადოებას ინფორმაცია წინასწარ მიეწოდება.

ჯანდაცვის სფეროს სპეციალისტებმა კიდევ ერთხელ გაამახვილეს ყურადღება

პირბადის გამოყენების მნიშვნელობაზე, რომელიც მათი შეფასებით, მსოფლიოში აღიარებულია, როგორც ვირუსისგან დაცვის ერთ-ერთი ყველაზე ეფექტური საშუალება.

„ჩვენ დღეს ისეთ სიტუაციაში ვიმყოფებით და იმდენი რამ გვაქვს ნასწავლი, რომ ჯარიმებისა და მკაცრი მიდგომების გარეშე, პირბადეს უნდა ვატარებდეთ და დისტანციას ვიცავდეთ. ინფიცირების რაოდენობის ზრდა მნიშვნელოვანწილად არის დამოკიდებული იმაზე, რამდენად დაიცავს წესებს თითოეული ჩვენგანი. როდესაც ვსაუბრობთ, როგორც პირბადის ტარების, ისე დისტანციის დაცვისა და არასაჭირო შეკრებებში მონაწილეობისგან თავშეკავების აუცილებლობაზე, უნდა გვახსოვდეს, რომ თითოეული ჩვენგანის მიერ გამოჩენილი წინდაუხედაობა პირდაპირ კავშირშია ინფიცირების რა-

ოდენობასთან”,- განაცხადა ნათია მეზვრიშვილმა.

22 სექტემბრის მონაცემებით, საქართველოში კორონავირუსით ინფიცირების 3913 ლაბორატორიულად დადასტურებული შემთხვევა გამოვლინდა, საიდანაც 1574 პირი გამოჯანმრთელდა. უცხოეთიდან სამკურნალოდ საქართველოში გამოყვანილია საქართველოს 41 მოქალაქე. გარდაცვლილია 23 ადამიანი.

ამ ეტაპზე კარანტინში იმყოფება 5255 ადამიანი, ხოლო სტაციონარში, მეთვალყურეობის ქვეშ - 836 პირი.

პრემიერ-მინისტრის ხელმძღვანელობით მოქმედი უწყებათაშორის საკოორდინაციო საბჭოს მუშაობაში აქტიურად მონაწილეობენ საქართველოს პარლამენტი, თავმჯდომარე არჩილ თალაკვაძის ხელმძღვანელობით და პრეზიდენტის ადმინისტრაცია.

კორონავირუსის უამთხვევები სენაკში

როგორც ცნობილია ეპიდემიოლოგიური სიტუაცია შეიცვალა როგორც საქართველოს მასშტაბით, ასევე ჩვენს მუნიციპალიტეტში.

კორონავირუსი დაფიქსირდა სენაკის მუნიციპალიტეტში. აღნიშნულთან დაკავშირებით ინფორმაციას გვანდის საზოგადოებრივი ჯანდაცვის ცენტრის დირექტორი ქალბატონი ანა ჭიჭაღია.

სენაკის მუნიციპალიტეტში 24 სექტემბრის მდგომარეობით გვაქვს COVID 19-ის 6 დადებითი შემთხვევა. მოძიებულია დაავადებულების 115 კონტაქტი, რომლებიც იმყოფებიან თვითიზოლაციაში. მათ 12 დღის შემდეგ გაუკეთდება განმეორებითი პისიარ ტესტები.

გარდა ამისა მუნიციპალიტეტის მასშტაბით ტარდება გეგმიური პისიარ ტესტირება: პირველადი ჯანდაცვის თანამშრომლებზე, შსს მუშაკებზე და შიდა სამარშრუტო ტაქსის მძღოლებზე.

უნდა დავემორჩილოთ დაწესებულ რეგულაციებს. დავიცვათ დისტანცია, ვატაროთ პირბადე და დავიბანოთ ხელები ხშირად.

მომზადა მ. მიძახარიძე

განსხადება

უმაღლესი საკანონმდებლო ორგანოს საქართველოს პარლამენტის არჩევნების მიმდინარე წლის 31 ოქტომბერში დანიშვნასთან დაკავშირებით „საქართველოს საარჩევნო კოდექსის“ 50-ე მუხლის მე-2 პუნქტის „მედიის მიერ წინასაარჩევნო კამპანიის გაშუქების ზოგადი რეგულაციების“ შესაბამისად მედიისათვის განსაზღვრული ვალდებულებით, რაც საზოგადოების არჩევნების შესახებ ობიექტური ინფორმაციის მიწოდებას და არჩევნებში მონაწილე პარტიებისა და დეპუტატობის კანდიდატთა თანაბარი პირობების შექმნას უკავშირდება, გაზეთ „კოლხეთში“ წინასაარჩევნო აგიტაციისა და რეკლამებისთვის

გამოიყო მიმდინარე წლის სექტემბრისა და ოქტომბრის თვის ნომრებში (№ 18-19-20) (პერიოდულობა 16-30 სექტემბერი; 1-15 ოქტომბერი, 16-31 ოქტომბერი) ორი გვერდი, დაწესდა ყველა საარჩევნო სუბიექტისათვის თანაბარი ფასიანი(1 სამაკეტო უჯრა) და უფასო ფართი. მოცულობა -გამოყოფილი 1 ერთი გვერდის მესამედი თითოეული დეპუტატობის კანდიდატისა და პარტიებისთვის.

არჩევნებში მონაწილე სუბიექტებმა მოგვმართონ შემდეგ მისამართზე: ჭავჭავაძის ქ.№103, ტელეფონი: 0413 27 61 50

გაზეთ „კოლხეთის“ რედაქცია

სინანული!

„სიცოცხლე კია უმძიმესი თუმცა სასჯელი, მაგრამ გავიქცე, არ გავიქცე, რა ვქნა არ ვიცი“... ხშირად გვითქვამს სევდამწარებულ მამებს ერთმანეთისთვის მუხრანის სიტყვები, მაგრამ როგორც ვერავინ ვერ გაქცევია ცხოვრების უკუღმართობას, ვერც ჩვენ გავექცით, ჩემო რეზო.

რეზო ჯანჯღავა სენაკში დაბადებულმა და გაზრდილმა ღირსეულმა კაცმა მთელი ცხოვრება შეაღწა მშობლიური სენაკის სასიკეთო და ნათელი მომავლის სამსახურს და ისე წავიდა, რომ არც ქვეყნის და არც კაცის ვალი არ გაჰყოლია

ამ დიდად მორიდებულ, მოკრძალებულ ადამიანს არასოდეს დაუხვია უკან, როცა ამას საქვეყნო საქმე მოითხოვდა. იგი ყოველთვის პრინციპული, უკომპრომისო იყო სიყალბისა და უზნეობის წინააღმდეგ. დიდი ეროვნული, მახვილი და მოზომილი სიტყვით წლების განმავლობაში ამდიდრებდა და ალამაზებდა სენაკელთა სულიერ საზრდოს, ჩვენს სათაყვანო გა-

ზეთს „კოლხეთს“ არა მარტო მხოლოდ როგორც რედაქტორი, არამედ მისი მეჭირნახულე და ჟურნალისტთა ძველი თაობის საქმის ერთგული გამგრძელებელი.

იგი უდიდესი პასუხისმგებლობით და მონდომებით წლების განმავლობაში სათავეში ედგა სენაკის ჟიული შარტავას სახელობის მხარეთმცოდნეობის მუზეუმს, რომელიც ღირსეული სენაკელისა და საზოგადო მოღვაწის ბატონი კალისტრატე შარტავასგან ჩაიბარა. დღეს მუზეუმის მთელი კოლექტივი დიდ მწუხარებას გამოხატავს ბატონი რეზოს არ ყოფნის გამო და არასოდეს დაივიწყებს ამ დიდ და გამორჩეულ პიროვნებას.

სენაკელები არასოდეს დაივიწყებენ მრავალ მის მიერ განუღებულ ამავთან ერთად იმ დიდ შრომას, რომელიც მან, სენაკის საპატიო მოქალაქემ საზოგადოება „სენაკელის“ ჩამოყალიბებასა და მის განმტკიცებას მოახმარა. თვითონ უახლოესი ადამიანების უდიდესი ტრაგედი-

ის მომსწრეს არ გამორჩებოდა სხვადასხვა თაობის სენაკელთა ხსოვნის პატივისცემა და დაფასება. ჩვენ მის გვერდით მდგომთ მუდამ გვემახსოვრება სახელმწიფო თეატრსა თუ სხვა თავშეყრის ადგილებში სინანულით, სიყვარულით და სითბოთი სავსე შეხვედრები, რომლებიც განურჩევლად მიეძღვნა ყველაზე მაღლიან საქმეს, რომელსაც ჩვენგან ნასულების ხსოვნის არ დავიწყებთ ჰქვია, რომლის დევიზი იყო „რამდენი ჩვენგან ნასული კაცის ვერ გადავიხდით ვერასდროს ამაგს“.

და წავიდა ჩვენი რეზო ჯანჯღავა მის თვალისწინ, უსაყვარლეს ლევანთან, მისი ოჯახის მშვენიერებთან, ღირსეულ ქალბატონ ელენესთან, მის უახლოეს ადამიანებთან. უფაღმა ძალა მისცეს წლობით მამის სასთუმალს მოუცილებელ და დიდი ოჯახის იმედს თამთას რათა არასოდეს ჩაქრეს ჯანჯღავების ოჯახის კერა.

ჩვენ კი ყოველთვის ვიტყვით რაც



იცხოვრა ღირსეულად იცხოვრა და მართალი კაცის ზნეობრივი გზით იარა.

ნათელში მისი სული.

ღამირ კუჭავა,

სენაკის ჟიული შარტავას სახელობის მხარეთმცოდნეობის მუზეუმის სპეციალისტი, სენაკის საპატიო მოქალაქე

სარედაქციო აქტები მთავარი რედაქტორი ნინო სარტანიანი რედაქტორი მელა ბალთაძე კორექტორები: მანა გარბაია, მარია მიქაბერიძე ეკონომიკური სამსახურის სპეციალისტი ჭალიბა ჩაჩიბაია	რედაქციის მისამართი: სენაკი, ჭავჭავაძის ქ. №103, ტელ: 276150 რედაქცია ხელმძღვანელობს თანამშრომელი პრესის პრინციპით, არ გამოხატავს პოლიტიკური და საზოგადოებრივი ორგანიზაციის ინტერესებს. 060401 66529	რეგისტრირებულია სენაკის სასამართლოში რეგისტრაციის №56/7-17 გაზეთი აომიკონტაქსი აიხყო, დააბადონდა და ოფიციალური წესით დაიბეჭდა შსს „ხელი 16“ ქ. ქუთაისი, ილია ჭავჭავაძის გამზ. 33 ტელ: 223779, 223711, 223499
---	---	--